



REPUBLIKA E SHQIPËRISË
KËSHILLI I MINISTRAVE
KOMITETI KOMBËTAR I DIGAVE TË MËDHA

KKDM/Nr.⁵⁴ Prot
Lutemi referoni këtë numër në përgjigje

Tiranë, më 29/ 04 / 2024

VENDIM

Nr.13, datë 29 /04/2024

PËR

**RAPORTIN VJETOR PËR VITIN 2023 TË SHFRYTËZIMIT, OPERIMIT,
MIRËMBAJTJES, MONITORIMIT DHE SIGURISË SË DIGAVE TË MBZHR**

Në mbështetje të Ligjit Nr. 8681, datë 02.11.2000 "Për Projektimin, Ndërtimin, Shfrytëzimin dhe Mirëmbajtjen e Digave dhe Dambave" dhe VKM Nr. 147, datë 18.03.2004 "Miratimin e Rregullores për Sigurinë e Digave dhe të Dambave", Komiteti Kombëtar i Digave të Mëdha (KKDM) në mbledhjen e datës 29.04.2024 mori në shqyrtim Raportin vjetor për vitin 2023 në lidhje me shfrytëzimin, operimin, monitorimin dhe sigurinë e digave të mëdha që administrohen nga Ministria e Bujqësisë dhe Zhvillimit Rural (MBZHR).

Nga shqyrtimi i Raportit vërehet se në të gjithë digat e mëdha të administruara nga MBZHR të cilat sipas legjislacionit në fuqi janë objekte të rëndësishme të vecantë **nuk ka të dhëna për monitorimin real dhe me instrumenta të këtyre digave, nuk janë përgatitur plane të gadishmërisë në rastet e emergjencave civile, nuk ka asnjë sistem alarmi të instaluar në këto diga** apo në zonat urbane poshtë tyre, nuk janë paraqitur të dhëna në lidhje me monitorimin e integruar real të tyre. Megjithëse sipas legjislacionit në fuqi kërkohet matja e volumeve aktuale të ujit dhe sedimenteve në rezervuaret e krijuar prej tyre të pakten një herë në 5 vjet, rezulton se në këto rezervuare nuk është kryer asnjë matje faktike e këtyre volumeve prej mëse 30 vitesh. Mungesa e këtyre matjeve bëhet me problematike jo vetëm për menaxhimin e integruar dhe kompleks të rezervave ujore të liruara me një volum të projektuar prej me se 110 milion m² ujë por edhe për faktin se këto objekte janë ndërtuar mëse 40 vjet përpara dhe problemet e sedimenteve duken se janë të mëdha dhe kanë zvogëluar ndjeshëm volumin faktik të ujit në këto rezervuare.

Gjithashtu, në të gjitha digat e mëdha të administruara nga MBZHR nuk ka asnjë vlerësim të aseteve të digave dhe elementeve të tyre apo rregjistrë të këtyre pasurive të paluajtshme. Mirëmbajtja e këtyre digave ka mjaft probleme të cilat po sjellin përkeqësimin e gjëndjes së tyre. Një nga digat e mëdha që administrohen nga MBZHR (Diga e Bllacës në Dibër) ka vite që është jashtë funksionit. Në shumicën e digave të mëdha, mungojnë masat për sigurinë fizike të tyre dhe elementeve kryesore të tyre.

Bazuar në Raportin e paraqitur na rezulton se në përgjithësi të gjitha digat e mëdha që janë nën administrimin e bordeve të MBZHR nuk monitorohen sipas kërkesave të legjislacionit në fuqi. Pas diskutimeve të të gjithë antarëve të pranishëm, KKDM.

VENDOSI:

- 1- Ti kërkohet Ministrisë së Bujqësisë dhe Zhvillimit Rural si shfrytëzuese e digave të mëdha që administrohen prej saj:
 - Të marrë masat për mirëmbajtjen dhe monitorimin e digave të mëdha përmes sistemeve të monitorimit të kërkuara në nenet 32 dhe 33 të VKM përkatëse të dhënë më sipër. Në kuadër të këtyre masave duhe të kihet parasysh instalimi i sistemeve të monitorimit të



REPUBLIKA E SHQIPËRISË
KËSHILLI I MINISTRAVE
KOMITETI KOMBËTAR I DIGAVE TË MËDHA

digave në kohe reale dhe online si dhe krijimi i bazës së të dhënave të monitorimit të digave dhe rezervuareve të krijuar prej tyre;

- Të kryejnë matjet e volumeve aktuale të ujit në cdo rezervuar, vlerësimin e sedimenteve të grumbulluara në to dhe të hartojnë kurbat e reja të volumeve dhe të siperfaqeve të ujit për rezervuaret deri në nivelin maksimal të ujit të parashikuar në projekt sipas kërkesave të nenit 30 të VKM së mësipërme;
- Të përgatit planet e gadishmërisë në rastet e emergjencave civile për shkak të prishjes së mundshme të digës apo prurjeve maksimale që mund të vijnë në rezervuar. Këto plane duhet të jenë të shoqëruar me hartat e përmbytjeve sipas kërkesave të nenit 35 të VKM së mësipërme.
- Të përgatit dhe të dorëzoj pranë KKDM një informacion në lidhje me vlerësimin e aseteve të digave dhe elementeve kryesorë të tyre sipas udhëzimeve të KKDM. Në këtë kuader të kryhet një kontroll në terren dhe të jepet një konkluzion në lidhje me të ardhmen e digës dhe rezervuarit të Bllacës duke marrë në konsideratë edhe dekomisionimin e saj në përputhje me VKM Nr. 147 të mësipërme, se ka humbur qëllimin e përdorimit apo është e mbushur plot me sedimente.
- Të hartojnë Rregulloret e shfrytëzimit, monitorimit dhe sigurisë së digave sipas kërkesave të nenit 29 të VKM së mësipërme. Këto Rregullore duhet të dorëzohen për shqyrtim dhe miratim pranë KKDM brenda periudhës ujëshumë.

Ngarkohet Sekretariati Kombëtar i Digave të Mëdha (SKDM) si zyrë ekzekutive e KKDM për ndjekjen dhe zbatimin e masave të kerkuara në këtë Vendim sipas legjislacionin në fuqi. Ky Vendim hyn në fuqi menjëherë.

KOMITETI KOMBËTAR I DIGAVE TË MËDHA

KRYETARI

Arjan JOVANI